



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Sacrosancti Et Oecvmenici Concilii Tridentini, Pavlo III.  
Ivlio III. Et Pio IV. Pont. Max. celebrati, Canones Et  
Decreta**

**Tridentinum <1545-1563, Trient>**

**Coloniae, 1615**

Pivs Papa IV.

**urn:nbn:de:hbz:466:1-42415**

## PIVS PAPA IV.

*Ad perpetuam rei memoriam.*

**D**ominici gregis custodia, Domino disponente, prepositi, vigilijs more pastoris non desistimus, ipsi gregi ab imminentibus periculis, quanta maxima possumus cura, & diligentia precauere, ne propter negligetiam nostram pereant oves, quod pretiosissimo Domini nostri Iesu Christi sanguine sunt redemptæ. Etsi autem quæ ad fidei veritatem patefaciendam, & ad horum temporum hæreses confutandas pertinebant, in œcumenico & generali Concilio Tridentino, Sancti Spiritus assistente gratia nuper adeo enucleata, ac definita fuerunt, ut facile iam sit unicuique sanam, Catholicamque doctrinam, à falsa adulterinaque internoscere, tamen cum librorum ab hæreticis editorum lectio, non modo simpliciores homines corrumpere soleat, verum sæpe etiam doctos, eruditosque in varios errores, & à veritate fidei Catholicæ alienas opiniones inducere; huic quoque rei esse duximus providendum. Cum autem aptissimum ei malo remedium esse sciremus, si componeretur, atque ederetur Index, siue catalogus librorum, qui vel hæretici sint, vel de hæretica prauitate suspecti: vel certe motibus & pietati noceant: id negotium ad sacræ Tridentinæ Synodum reieceramus. Ea vero ex tanta Episcoporum, & aliorum doctissimorum virorum copia delegit, ad eum conficiendum indicem, multos cum doctrina,

tum iudicio insignes Prælatos, ex omnibus  
 ferè nationibus; qui quidem non sine ma-  
 ximo labore, plurimisq; vigilijs, eum indi-  
 cem tandem, Deo iuuante, perfecerunt, ad-  
 hibitis etiam in consilium lectissimis quibusdam  
 Theologis. Peracto autem Concilio, cum ex ipsius Synodi decreto; is Index  
 nobis oblatu fuisse, vt ne ante ederetur,  
 quam à nobis approbatus fuisse, nos do-  
 ctissimis quibusdã, probatissimisque Prælati-  
 bus eum accuratissimè legendum, examinandũ  
 que tradidimus, & ipsi etiam legimus. Cum  
 igitur eum magno studio, acri iudicio, diu-  
 terna cura confectum, & præterea contem-  
 platissimè digestum esse cognouerimus. Nos  
 salutari animarum consulere, eamque ob cau-  
 sam prouidere cupientes, ne libri & scripta  
 cuiuscunque generis, quæ in eo improban-  
 tur, siue vt hæretica, siue de hæretica prauis-  
 sime suspecta, siue vt pietati, ac morum ho-  
 nestati inutilia, aut aliqua correctione sal-  
 tem indigentia, posthac à Christi fidelibus  
 legantur: ipsum indicem, vnã cum Regulis  
 ei præpositis, auctoritate Apostolica tenere  
 præsentium approbauimus, imprimique, ac  
 diuulgari, & ab omnibus Vniuersitatibus  
 Catholicis, ac quibuscunque alijs, vbi que  
 suscipi, easque Regulas obseruari mandamus,  
 atque decernimus: Inhibentes omnibus &  
 singulis tam ecclesiasticis personis, Sæcula-  
 ribus, & Regularibus, cuiuscunque gradus,  
 ordinis, & dignitatis sint, quam Laicis, quo-  
 cumque honore, ac dignitate præditis: ne  
 quis cõtra earum Regularum præscriptum,  
 aut ipsius prohibitionem Indicis, libros vl-

los legere, habereve audeat Si quis autem  
 aduersus eas Regulas, prohibitionemque  
 fecerit, is quidem, qui hæreticorum libros,  
 vel cuiusuis auctoris scripta propter hære-  
 sim, vel falsi dogmatis suspicionem damna-  
 ta, atque prohibita legerit, habueritve, ipso  
 iure in excommunicationis pœnam incidat,  
 eamque ob causam in eum tanquam de hæ-  
 resi suspectum inquiri, & procedi liceat: præ-  
 ter alias pœnas super hoc ab Apostolica Se-  
 de, sacrisque canonibus constitutas. Qui au-  
 tem libros alia de causa prohibitos legerit,  
 habueritve, præter peccati mortalis reatum,  
 Episcoporum arbitrio seuerè se nouerit pu-  
 niendum: Nō obstantibus constitutionibus,  
 & ordinationibus Apostolicis contrarijs  
 quibuscunque, aut si quibus communiter,  
 diuissim ab eadem sit sede indultum, ne  
 excommunicari possint, per litteras Aposto-  
 licas, non facientes plenam & expressam,  
 ac de verbo ad verbū, de indulto huiusmodi  
 mentionem. Vt hæc autem ad omnium  
 notitiam perueniant, neue quis excusatio-  
 ne ignorantis uti possit, volumus, & man-  
 damus vt hæc literæ per aliquos curiæ nostræ  
 curiores in Basilica Vaticana, Principis A-  
 postolorum, & in Ecclesia Lateranēsi tunc,  
 cum in eis populus, vt missarum solemnib⁹  
 interfuit congregari solet, palam, & clara vo-  
 ce recitentur, & postquam recitata fuerint,  
 ad valuas earum Ecclesiarum, itemq; Can-  
 cellariæ Apostolicæ, & in loco solito Cam-  
 pi Floræ affigantur: ibique vt legi, & omni-  
 bus innotescere possint, aliquantisper relin-  
 quantur.

hibus  
 e ma  
 indi  
 t, ad  
 s qui  
 onci  
 Index  
 rerar,  
 os do  
 relati  
 andū  
 Cum  
 o, diu  
 mmo-  
 . Nos  
 ob cau  
 scripta  
 roban-  
 prauit  
 um ho-  
 ne fal-  
 elibus  
 egulis  
 tenore  
 ique, ac  
 itatibus  
 vbi que  
 damus,  
 ibus &  
 Sacula-  
 gradus,  
 cis, quo-  
 ditis: ne  
 riptum,  
 bros vi  
 los



10  
Cum autem inde amovebuntur, earum ex-  
empla in iisdem locis affixa remaneant. Nos  
enim per recitationem hanc, publicatio-  
nem, & affixionem, omnes, & singulos, qui  
his literis comprehenduntur, post tres men-  
ses, a die publicationis & affixionis earum  
numerandos volumus perinde astrictos, &  
obligatos esse, ac si ipsismet illæ editæ, lectæ  
quæ fuissent. Transumptis quoque earum  
quæ manu alicuius publici Notarij scriptæ,  
subscriptæ, & sigillo, ac subscriptione ali-  
cuius personæ in dignitate Ecclesiastica cõ-  
stitutæ, munitæ fuerint, fidem sine ulla dubi-  
tatione haberi mandamus, atque decerni-  
mus. Dat. Romæ apud S. Petrum sub  
Anulo Piscatoris die 4. Martij  
1564. Pontificatus No-  
stri anno 5.

*Antonius Florebellus Laellinus.*

